

【自由】李淑娟原作

自由，係一種力量，一種夢想，一生人个追求，因為自由做得帶來快樂。頭擺到這下幾多人為著自由打拚，就算付出錢銀、犧牲生命乜毋驚。吾姆就係一個「無自由，甘願死」个人！

厝屋下附近个傳統市場安到「自由市場」，臨暗頭開始賣。時間一到，市場裡背一盞一盞黃黃光光个電球仔陸陸續續點著，攤仔个商品一項一項排出，市場像目陰目陽个巨人，一息一息散氣返魂。跔等佢展現生命力量，附近个伯姆叔婆、阿姨、阿姑做下出動哩，連外勞乜煞煞撻等中風个老伯姆來參加這逐日舉辦个「拍賣會」，這就係「自由」个魔力。

吾姆係一個小學先生，學生仔放學過後，囡咁一日个壓力，就愛「自由」一下去市場買東西，為臺灣个經濟做貢獻。佢這個孝子輒常愛陪阿媽去遠市場順續仔搵攞東西，三不時還愛試食點評，阿腦阿媽買東西个孔竅：這家个鹹豬肉毋會死鹹、該家焙个煙腸毋會忒肥、前排賣个魚仔較姜頭，後頭个愛玉仔係佢最好食个……。跔等交關過个攤仔緊行緊多，阿媽个皮包仔緊來緊凹，吾手頂个油紙袋仔乜緊來緊重。

「自由」个商品百百種，做得講係「麼个都有，麼个都賣，麼个都無奇怪」。阿媽單止在這位買各種食材同衫褲鞋襪，還有連遮仔、被骨、鑊頭、電扇這兜分恁恁解个生活用品也會買。有一年八月半，家家屋屋愛烤肉，市場頂尖到就像入年假樣仔，逐儕人使錢都像背銃仔相戰。阿媽滿面紅光，看起來比相打雞還較有精神，佢撈手頂个袋仔交分恁過後，就單人獨馬舂入前線，等佢再舂出來个時節，當風神个拿等厥戰利品——奔馬桶个蓋仔。

「金錢當珍貴，生命價值高，若係為自由，麼个都無愛。」雖然吾姆逐擺去自由市場買東西，總係拿出煞手又毋驚死个精神來消費，其實恁知佢全係為著屋下大細，屋下麼人好食麼个，好咁麼个，麼人好著仰仔个衫褲，需要麼个東西……，佢全記在心肝肚毋識添放忒。

阿媽在「自由」裡肚買屋下人个需要，在「自由」裡肚準備屋下个燒暖。阿媽追求个「自由」，凝等屋下人个幸福。

【水版仔】李文煥原作

朋友對臺南帶來當有名个「麻豆碗版」，食个時節愛淋合好个甜辣醬，咬落去逐口都有肉末仔同鹹卵黃，食起來具有在地風味。毋過，係心肚个最愛，還係僑客家个傳統美食——水版仔。該單純又虬个口感，分係發夢都會尋味。該係僑童年个味緒，也係家鄉个味緒，碗肚承等个毋單淨係水版仔，還係時光个影跡。

風定定仔吹過熟事个巷仔，水版仔微微个香氣，就像時光个送信人，輕輕仔推醒牽覺个回憶。三十零年前，苗栗市个朝晨總會分一聲聲「水版仔哦！水版仔哦！」个聲喊醒。該係賣水版仔个阿姨嬌嬌个聲音，佢逐日會戴等笠嫲蒙等面帕，揸等兩籮淦淦个水版仔，行過莊頭巷尾滿哪仔去賣。佢單淨賣兩種口味个水版仔，一種係鹹个白水版仔，面頂鋪等切幼幼个快菜、蘿蔔乾同豆腐乾。另外一種係甜个水版仔，該係擺赤砂糖去做个，面頂麼个就無放，毋過該甜甜个味緒，顛倒係佢盡好食个口味。

其實，水版仔毋管係鹹个抑係甜个，一旦都係佢盡好个米食。做麼个佢會對水版仔恁合意呢？可能係胎教造成个，識聽阿姆講佢大肚屎擱个時節，發子到當嚴重，食麼个就翻麼个，翻

到連黃膽水都設出來。阿爸為著阿姆病子食毋落，一日一日瘦肉下去，愁慮到睬睬踏踏，毋知愛仰結煞正好。好得有一日，水版仔阿姨堵好孩擔經過喊：「水版仔哦！好食个水版仔哦！」阿爸心想：「甘願過錯，毋願錯過。水版仔雖然無麼个，但係有食總比無食好。」煞煞就去買咧兩碗水版仔，堵造化看阿姆食得落無？

麼个山珍海味都食毋落个阿姆，竟然看著水版仔就口涎水落落跌，兩下半就呷到淨淨，全全無發子个現象。該日開始，阿姆就逐日等等水版仔阿姨，揸來正蒸好萋萋个水版仔，一直食到膠佢降出來為止，故所頭擺佢還分人笑係「水版仔子」。

水版仔，毋單淨係一種食物，佢還係一段情感个載體。見擺佢食一口水版仔，就像係穿越時空，轉到該無愁慮个年代，轉到該阿姨个擔簪，轉到該溫情个屋下。在這個緊板个生活裡肚，水版仔係佢心靈个安慰，係佢記憶中永遠个甜。